

DEO OPTIMO MAXIMO,
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA*,
QUOD LIBETARIIS DISPUTATIONIBUS

manē discutienda in Scholis Medicorum, die Jovis vigesima-nondā
mensis Decembris, anno Domini M. DCC. LXVIII.

M. THOMA LEVACHER DE LA FEUTRIE

Doctore Medico, Præsidente.

An vesiculæ fellæ per ductum Cysticum Bilis mittatur?

I.



EPAR, Bilis colum, est amplum rubicundumque viscus totam occu-
pans hypochondriacam regionem dextram, & ad epigastrium usque, sicut
& ad lumborum supremam partem, extensum; collocatur sub Dia-
phragmate, ad illud concipiendum profundissimè excavato, cuique
trium vinculorum ministerio alligatur; peritonei productione involvitur;

pro suo nutrimento accipit venasque ad cavam dimittit: nervos ab inter-costali & extre-
mo pari vago plexum efformantibus oriundos habet; est præterea insignis vena quædam.
Portarum nomine, quæ ex adunatis omnium ferè abdominis viscerum venis exsurgens,
obliquè tramite fertur ad Hepar, miroque modo penetralia istius ingressa distribuitur:
hæc autem vices arteriæ gerens & capsulâ Glissonii munita sanguinem venosum ad Bilis
secretionem devehit, ita ut optimè scripserit Batavorum Hippocrates Boerhaavius (a)
portionem sanguinis corde pulsam bis arteriosam, bis venosam fieri antequàm in cor redeat.
Verùm ex isto sanguine venoso, absquè glandularum ope (b) segregata Bilis exilissimos
intrat ductus pororum Biliariorum nomine insignitos. Hi capsulâ venæ Portarum recti,
plures in unum coeunt, qui quidem rursus aliis ejusdem generis junctus plurimis
unum abic majorem. Ille (instar arboris) ex innumeris simul unitis radicum capillis
constans egreditur ex hepate, tuncque ductus Hepaticus appellatur, & ad duodenum in-
festinum ita progreditur, ut directionis suæ linea sit fermè verticalis: ex quo videri
potest quàm facili negotio, proprio tracta pondere Bilis canalem hunc permeans rapi-
tur ad intestinum, & quàm difficilè contrà suum & urgentis à tergo humoris pondus
retròagi posset. Dùm autem ad duodenum sic pergit ductus hepaticus, medio in itinere
canalem alium, pennæ anserinæ amplitudinem præ se ferentem offendit; mox obliquè
tunicas istius perforat & postquam inter has aliquantulum sese insinuavit, ejusdem in
cavo, versùs tertiam longitudinis partem, rotundâ hiat aperturâ. Bilem, quam continet et,
hæc aperturâ eructat in novum illum canalem, qui Cysticus idèò denominatur, quòd,
dùm ex unâ parte sub majore jecoris lobo transit, *ampliorem sensim*, ut habet Bianchius
celeberrimus (c), *acquirat cavitatem, usquequò in expansionem quandam ampullosam,*
subrotundam & vesicularem desinat, quâ à figurâ humoreque recepto dicitur Cystis fellæ,
solliculus Biliaris. At ductus ille Cysticus ita incurvatur, ut ad inferiora non parùm def-
cendat; hinc fundus Cystidis illo inferior est multò; quâ autem parte ampliari incipit
valvulâ spiræ in modum contortâ, quam olim Riolanus (d) Scholæ Parisiensis decus
observaverat, quamque clarissimus Heisterus (e) apprime exposuit, donatur, & parte

(a) Institutio-
nes Medicæ, de
actione hepatis.
Num. 150.
(b) Nullas in
jecore glandulas
adeffe demon-
strarunt invicè
Ruysschius, Hi-
sterus, Bergcrus,
&c.

(c) Bianchi
Histol. Hepati-
part. 12 cap.
XVIII. §. 11.

(d) Riolanus
Anthropogra-
phia. lib. 2. cap.
21.

(e) Heister.
Compend. Ana-
tom. num. 217.
& notâ 18.

* Auctore M. A. PETIT, anno 1744.

(f) Glissonius,
Anatom. Hepat.
cap. XVI.

illâ, quæ ampullæ instar intumescit, Cystimque constituit, in sinu quodam faciei infernæ jecoris insculpto tenetur & ei maximè adhæret. Nunc verò portio Cystici canalis altera, quæ ductus Choledochus & communis quoquè vocatur, ex eo quòd videatur exsurgere ex unjctis duobus mox memoratis ductibus, terminatur ad duodenum & (f) in illius partem posticam primò inseritur, indeque inter tunicas ejus obliquè deorsùm feritur; postquam enim anteriorem tunicam penetravit, inter eam & secundam tunicam ad duodecimam circèitur uncie partem, deorsùm progreditur, ibique hanc etiam perforat, interque illam & tunicam anteriorem semi-unciali fere longitudine prorèpit, tandemque hiattè rotundo in intestinum aperitur.

I I.

CYSTIS fellea turget fermè semper bile amariori majoris & vis & acrimoniæ, minusque dilurâ quàm ea quæ per he aticum ductum jugitèr fluit: has autem dotes bilem contrahere, morando, uno conclamant ore Medici omnes, & procùl dubio calculi isti qui sæpè gignuntur in cystide, humorem in hâc aliquandiu morari comprobant, & præterea ductus cystici directio, ad eam confirmandam opinionem non parum conducit; nunc autem bilis ista, quæ repletur cystis, vel in ipsius cavo generatur, id est, à massa sanguinis separatur: vel ab hepate per cana es huic operi peculiaritèr dicatos vehitur ad vesiculam felleam. Backius (a) & Silvius de le Boe (b) omnem in folliculo felleo bilem fecerni arbitrari sunt: illorum opinio utpotè quæ rationi & experientia minimè consonat, fusè refellitur à Cla. (c) Bergero & à cunctis fere Medicis nunc rejicitur. At, inquires, cystidis membranam anteriorem innumeris scatere glandulis melioris notæ volunt Anatomici fere omnes; quidni igitur his ministrantibus tota fecerneretur fellea bilis? Verùm hanc diluere objectionem haud difficilè erit illi, qui attentè semel cystidis inspexerit interiora: is etenim pro certo habebit istas glandulas fieri scitatas esse; cùm nihil aliud intueri poterit præter lacunas quasdam, quæ humorem fundunt mucosum, ad obliniendos cystidis parietes internos, nè scilicet acrimoniâ bilis ledantur; tales sunt & similes usus præstant ex, quæ in urethrà conspiciuntur lacunæ: & insuper ii qui has pro glandulis habuere, idem sentiunt ac clarissimus Bianchius (d), qui in suâ historiâ hepaticâ sic habet, *Bilem per hæc glandulas fecerni, ridicula est aliquorum confabulatio*. Patet ex dictis bilem cysticam in vesiculâ non fecerni; restat ergo ut ad eam accedat per ductus ad id muneris implendum specialiter aptos. At dùm Authores, quinam sint illi ductus, assignare contenderunt, in varias abiit partes. Laurentius (e) veterum opinionum defensor acerrimus, vult omnem bilem ab hepate immediate ad vesiculam ferri & eam allici ope rectarum cystidis fibrarum, postea per eandem viam, per quam attracta erat, canalem nempe cysticum, ad intestina detrudi. Riolanus (f) vir nunquam factis laudandus, Julii Jасolini sententiam amplexus contendit, nihil ad vesiculam per ductum cysticum regurgitare posse: sed radicem exilissimarum & per totum jecur disseminatarum auxilio folliculorum felleum tenuissima impermixtaque, ut ait, biliosa excrementa accipere; dum crassa, mixta & scæculenta per porum biliarium ad intestina deturbantur. Glissonius (g), qui de Anatome hepatis librum conscripsit aureum, sic sententiam exponit suam. *Quamvis, inquit, bilis ab intestino ad vesicam remeare possit; solemnè tamèn vesiculam implendi modus, à radicibus ejus fibrosis per hepar sparsis perficitur*. Fallopius in institutionibus Anatomicis censuit, bilem hepaticam ad vesiculam resiliere, quandò comprimente chylo influxus illius in intestinum interciderit, & sic tunc temporis cystim adimpleri. Recentiorum plurimi dùm hâc in re Fallopium secuti sunt. Alii verò, quos inter eminentèr Pergæus & Riolanus, Fallopii probantes opinionem, putaverunt quoque per has radices à Riolo & Glissonio memoratas, quasque ductus hepatico-cysticos, vel cystico-hepaticos vocavere, non parùm bilis ad cystim vehi. Ex tot autem dissentientium Authorum opinionibus, Fallopii aliis omnibus anteposenda nobis videtur sententia: bilis etenim vesiculæ per ductum cysticum mittitur, si ductus ille unica sit via, quâ bilis ad cystim accedere queat.

(a) Backius,
de Cor. & p. 25.
130.
(b) Silvius in
Dissert. pag. 90.
(c) Bergerus
de Naturâ Hum.
pag. 223.

(d) Cap. XVII.
p. IV.

(e) Laurentius
Mist. Anatom.
libro 6. cap. 20.
quæst. 23 & 24.
(f) Anthropo-
gica. lib. 2. c. 21.

(g) Anatom.
Hepat. cap. 20.
prop. 3a.

DUCTUM cysticum unicam esse viam, quâ bilis ad vesiculam pervenire queat; quare dubites asserere? Hujus partis nec non vicinarum situm, fabricam, diversamque pro diversis temporibus actionem sedulo perpende. Dùm post peractam alimentorum digestionem, chylo excrementis commixto repletur intestinum duodenum, tunc illius paululum extendantur tunicae necesse est: verùm ex nequeunt extendi, quin occludatur ductus biliarii ostium, membranis, inter quas oblique transit, sibi mutuo per compressionem intus factam applicatis. Interea jugiter ab hepate stillat biliosus humor: ille solito cursu ad ostium intestini fertur, isto autem clauso, intestini cavitatem subire nequit. Colligitur itaque in sinu canalis communis, & illius intra breve temporis spatium totam occupat cavitatem. At dùm res ita peraguntur, contentus in vase biliosus latex, non tantum contractis abdominis musculis premitur & ad effluxum sollicitatur, sed effluente semper bile urgetur etiam: inde viam, quâ prementium vires effugere possit, quaerere cogitur; in ductum hepaticum retrogrado resiliet-nè pede? Obstant & pondus & ferme verticalis ductus directio. Verùm ad vesiculam patet aditus, favent que progredienti humori, & declivis semita & valvula spiralis, quæ descensum molliorem reddit & refluxum præpedit. Bilis ergo faciliè hoc sequetur iter & quasi spontè venit in folliculum biliarium, donèc ille semel repletus plus humoris admittere impar erit. Ibi commorando, eas, quas in medium protulimus, dotes bilis adipiscetur, & postea per eandem viam, per quam venerat, ad intestinum fluat. Cave autem cum plerisque censeas, contractionem fibrarum vesiculæ muscularium in causâ esse, cûr à cystide efluat humor. Illæ etenim fibræ non ex sunt, quæ tantis polleant viribus, & aliundè non videtur quare sic per vices contraherentur; sed veritatem assecutus eris, si putaveris potius ventriculum alimentis turgidum cystim premere & bilem ad exitum provocare. (a)

I V.

QUAMVIS hætenus nostra ita fuerit exposita opinio, ut vera cunctis videri debeat; eam tamèn invicissimè juvat observationibus corroborare, nè ullus super sit posterum dubitandi locus. Et primò quidè in viperis & serpentibus vesicula fellea jecori non adhærescit, sed pendula est & choledochi vasi, cystici canalis ope alligatur: atqui certè in his per ductum cysticum tota venit, quæ in cystide reperitur, bilis: rem eo modo fe habere in hominibus, licet in his hepati applicetur & hæreat cystis, cur negaremus? En aliud experimentum: si cystico ductui variis in animalibus vinculum injiciatur, tunc illico, collectâ vinculum inter & intestinum bile, ductus intumescit admodum. Hanc observationem firmat sequens, dilaceratâ vesiculâ iisdem in animalibus, bilis conspicitur ab extremo ductu cystico manare versùs dilaceratam vesicæ fundum. Hæc experimenta duo feliciter à Bohnio & Ruyschio tentata, illis visa sunt eam, quam tuemur, opinionem invictè probare. Vir & eruditione & industriâ commendatissimus Morgagnius (a) de duabus suis observationibus loquens, sic habet, *in quarum alterâ cystim tam brevem, tamquæ angustam inventi, ut imo fundo ab jecoris limbo satis distaret, majorem autem oleam tota continere vix posset. Bilis inerat per paucam ex viridi pallida. Hepaticus truncus duplò erat amplior, quàm par fuisset, rugosâque intus superficie, sed non in retis formam dispositâ. Nimirum credo, quæ bilis in cystim divertere debuisset, eam magnâ ex parte in eo trunco subsistere coactam, hunc olim dilataste. Demùm Dnùs, Lieutaud (b) Med. Doct. refert se in cadavere quodam cystim ita contractam reperiisse, ut eam desiderari primo crediderit intuitu; nil bilis in eâ contineretur, & partes vicinæ sicut vesica ipsamet, quæ flavo colore tingi solent, nè levem quidè coloris istius præ se ferebant impressionem. In cervicis autem cavo nigricans delitescibat calculus, qui ita hæc in parte membranâ, meliùs dicam, sacculo, retinebatur, ut ad vesiculam pelli nequaquam posset. Ductus hepaticus, communis & cysticus capaces erant admodum. Simile quid mihi visum fuit tribus abhinc annis. Quibus omnibus rationum momentis patet quàm firmis nixa sit fundamentis opinio nostra.*

(a) Plura de hæc re vide apud Bianchium, cap. XLX.

(a) Morgagnii *Ess. anat.* 3a. num. 43.

(b) *In actip. Reg. Scient. Acad. anni 1735. & in opere suo quod gallicè inscribitur, Essais d'anatom.* p. 305.

AT movet te forsàn autoritas Glissonii, Peralcii, Bianchii, Verheyeni, Winslowii & aliorum Iurium de re Anatomicà benè meritorum, qui sufficantur esse bilifera vasa quædam, quibus cystis heri at adnectitur, & bilis fertur ad vesicam felleam, quæ in bobus luculentè ob oculos ponuntur. At nihil contra nostram hanc opinionem facit tam excellentium virorum observatio: æquiores sunt ipsi rerum æstimatores quàm ut ex tali in animalibus structurâ, imò ex diverso in iis partium usu rem sic se in humano corpore habere concludant, dùm militant ex adverso tot tamquè victicia quæ attulimus argumenta; nec unquàm ea intueri, quâvis adhibita curâ, nobis datum fuit. Vidimus quidem innumera sanguinea & exilissima vasa, quæ ab hepate ad vesiculam usquè progrediebantur, quæ quidè flavo, ob vicinam cystim, tincta erant colore, eo modo, quo tingitur pars coli vesicæ felleæ adjacens; ea sunt quæ sanè pro vasis biliferis habita, ductus hepatico-cystici aut cystico-heparici nuncupata fuere: at si ea darentur bilifera vasa in observatione mox allata Dni. Lieutaud, cystis, impedito, calculi interventu, bilis ad intestinum effluxu, fuisset multâ bile turgidissima, nedum; ut tamen deprehensa est, vacua & omni humore destituta fuisset, nè nobis solùm res eo modo visa fuit: Idem sentiunt viri laudatissimi Morgagnius, (a) Heisterus, (b) Lieutaud, (c) alii per plures. At certè, inquis, àër per jecur insufflatus ad vesicam usquè pervenit. Esto; pervenit ille pèr vasa sanguifera, quibus instituitur commercium hepar intèr & cystim. Urges; per eundem canalem ire & redire bilem ridiculum est asserere. Equidè ridiculum foret contendere bilem pèr idem vas, eodem instanti ire & redire: sed id diversis fieri temporibus jam diximus. Nequè nos later in aquilâ aliifque quibusdam in avibus, duos animadverti ductus biliarios, quorum unus ab hepate, alius à cystide procedit, qui quidè separatim duobusque distinctis foraminibus in intestinum aperiuntur. Sed quid inde? Bilis in avibus istis venit ad cystim pèr ductus hepatico-cysticos, ut fit quoquè in bobus, in quibus hos adesse ductus confessi sumus; at illi desiderantur in homine. Non igitur ea obstabunt omnia, quin ex dictis certè concludamus.

(a) Morgagnius
Epist. Anato. 12.
(b) Heisterus,
Comp. Anatom.
notâ 18.
(c) Lieutaud,
Essais Anatom.
pag. 105.

Ergò Vesiculæ Felleæ Bilis per ductum Cysticum mittitur.

DOMINI DOCTORES DISPUTATURI.

M. Simon - Antonius
BRINGAUD.

M. Joannes - Baptista THU-
RANT.

M. Petrus BÉCHER, Facul-
tatis Ex-Decanus & Aca-
demie Censor, Regiæ Hispa-
niarum Infantis, dum viveret,
nec-non Regii exercitus ad
Infimum Rhenum in ultimò
bello Medicus primarius.

M. Claudius - Josephus
GENTIL, Militarium
Nosocomiorum ad Re-
gis Exercitum Medi-
cus.

M. Ludovicus - Petrus - Felix-
Renatus LE THIEVILLIER,
Saluberrimæ Facultatis De-
canus, Regis Consiliarius &
in majori Consilio, nec-non
in magnâ Regiæ, Domus &
Franciæ Præfecturâ Medicus
ordinarius.

M. Benjamin-Ludovicus LU-
CAS DE LAUREMBERT,

M. Edmundus-Thomas
MOREAU, utriusque
Pharmacie Professor
designatus.

M. Petrus-Ludovicus-Maria
MALOET,

M. Leander PEAGET, Anti-
quus Consiliarius Medicus
Regis ordinarius in ejus Cas-
telleto.

Proponebat Parisiis JOSEPHUS-IGNATIUS GUILLOTIN, Santo, Doctor Remensis
& Saluberrimæ Facultatis Medicinæ Parisiensis Baccalaureus. A. R. S. H. 1768.

A SEXTA AD MERIDIEM.